

## **Forum Beneficiale, Sive Quæstiones & Responsa Canonica**

Materiam De Beneficiis Universam Ex Beneficialistarum tam antiquorum,  
quàm recentiorum placitis complectentia. Opus methodo novâ, & clarâ in  
tres digestum Partes ... accuratè, ac copiosè instructae

De Provisione Et Obtentione Beneficiarvm

**Leuren, Peter**

**Coloniæ Agrippinæ, 1704**

637. Quando, & qualiter exspiret exspectativa.

---

[urn:nbn:de:hbz:466:1-74485](#)

decisio huic inititur rationi; quod primò impenetranti facta sit gratia conditionalis; si enim absolutè facta ei fuisset gratia in aseccione præbendæ, præferendum esset poste iori impenetranti, juxta c. tibi qui tit eod. Laym. ad cit. c. si pro te.

**Quæstio 636.** Qualiter habentes exspectativam ad beneficium aliquod possint renunciare huic gratiae, aut illam permutare?

1. **R**espondeo ad primum: possunt renunciare simpliciter, non autem in favorem; cum adhuc beneficium non sit virtualiter exspectantis, ut illud in alium transferre possit. Laym. in c. ad audienciam. num. 1. Paris. de resig. l. 2. q. 23. num. 14. & 15. citans Gemin. conf. 127. in fine Boer. decis. 308. num. 1. cum communi.

2. Respondeo secundò, habentes gratias exspectativas ad beneficia vacatura posse illis gratiis renunciare absque auctoritate Superioris; quia cessat interesse Superioris; cum per eas non sit quantum jus in re, sed tantum ad rem. Laym. l.c. Paris. loc. cit. citans eosdem; & l. 7. q. 1. num. 97. & 98. citans Coras. de benef. p. 1. c. 5. num. 15. addit tamen Paris. num. 99. non posse renunciare literis obtentis ad beneficia vacantia sine auctoritate Superioris; et quod juri in re non possit renunciari absque Superiori, juxta Rotam decis. 8. de jurep. in novis per expeditionem autem literarum & acceptationem videatur quæsumumus jus in re beneficii vacantis, citat pro hoc Put. decis. 90. n. 4. l. 1. & DD. communiter in c. stibi. de præbendis. in 6. posse tamen & iktis gratiis ad vacantia absque Superioris Auctoritate renunciari tacite, non capiendo possessionem illorum beneficiorum; cum per impetrationem non obligetur quis beneficio, nisi ceperit possessionem, juxta Abbat. in c. ad audienciam. de rescript. ait idem Paris. loc. cit. num. 99. & 100. Porro si renunciatio exspectativa etiam ad vacaturum, fiat cum conditio ne seu pacto adipiscenda pensionis aut beneficii, simoniaca est, Laym. loc. cit. citans Abb. in c. ad audienciam. n. 6. & Felin. ibid. num. 11. contra gl.

3. Respondeo ad secundum: sed neque permutare quis potest exspectativam ad vacaturum cum beneficio; cum extendat se solum ad beneficium nondum vacans, & non tribuat jus in re, sed nequidem jus ad rem propriè. Laym. loc. cit. citans Jo. And. in c. unic. de rerum permutatione. in 6. & Suar. To. 1. de relig. c. 33. de simon. num. 8. ubi docet permutations beneficiorum odiosas, ideoque non esse extendendas; cum sint concessiones quædam contra canones, quibus omnis pactio in spiritualibus est prohibita.

**Quæstio 637.** Quando, & qualiter exsparet Exspectativa?

1. **R**espondeo primò: dum exspectans consequitur beneficium incompossibile cum eo, ad quod habet exspectativam, c. si pauper clericus, de præb. in 6. Laym. in c. ad audienciam. de rescript. n. 1. item Paris. de resig. l. 1. q. 1. num. 19. citans Calder. conf. 5. de præb. Anch. conf. 214. num. 4. Rom. conf. 356. num. 1. & ait, sic sentire omnes in cit. c. si pauper, hæcque intelligenda, dum subsecuta est possessio pacifica dicti beneficii incompatibilis; Laym. loc. cit. Paris. loc. cit. num. 10. citans plurimas Rota decis.

2. Secundò, exspirat morte concedentis, seu mandantis conferre vacaturum, nimurum Papæ

dum res adhuc est integra; cum talis exspectativa sit gratia non facta, sed facienda, utpote ad incertum, & nondum vacans beneficium collata, nullam omnino provisionem ex parte Pontificis continens; sed merum providendi mandatum, quod morte mandantis exspirare solet. Laym. ad c. sisuper. de off. & por. jud. de leg. num. 2. ubi tamen ait, securus esse in gratiis jam factis (qualem esse ait, dum Pontifex mandat alicui conferri beneficium jam vacans; quia Pontifex, quantum est ex parte sua, jam per tale mandatum fecit gratiam) seu eas non exspirare morte concedentis; neque etiam executionem talis gratiæ suspendi per mortem concedentis, etiam, dum res adhuc est integra, in modo etiam si ista gratia necdum acceptata, & executio esset non mera, sed mixta cum aliqua cognitione causa; ut dum Papa mandaret in forma dignum conferri beneficium vacans, citaturque pro hoc Sanch. l. 8. de matrim. d. 28. num. 43. Gutt. qq. can. l. 2. c. 17. &c. airque id non solum in gratiis beneficij Ecclesiastici, sed & dispensacionis, absolutionis &c. tenere. Quinimo secus esse ait, dum Papa alicui canoniam ipse conferret, & insuper mandaret Canonicus v.g. aut officiali Episcopi, ut præbendam proximè vacaturam eidem conferant: eò quod in hoc casu gratia est facta à Papa, & executio alteri demandata; citat pro hoc Glos. in c. si cui. de præb. in 6. & Garc. p. 6. §. 3. num. 305. Tradit quodque Lott. l. 1. q. 29. num. 34. quod, si Papa concessisset exspectativam de beneficio vacaturo cum clausula simili: ex nunc prout extunc: gratiam illam usque adeò dici perfectam, ut non exspiret morte concedentis; eò quod per talem clausulam inducta sit talis effectuatio, & consummatio actus, & si decisum ait à Rota in Calaguritanæ Canoniciatus. Vide tamen, quæ ibi subdit seq. n.

3. Tertiò, exspirat per renunciationem expressam vel tacitam; vide plura de his dicta in precibus primariis, quæ hoc applicari possunt.

**Quæstio 638.** Quando nam exspectativa censentur irritæ?

1. **R**espondeo primò: si habens literas Papales ad beneficium vacaturum proximè ipius renunciet cum pacto, ut pensionem vel aliud beneficium consequtatur, & postea, tacto, quod jam prius aliam exspectativam obtinuerit: quin etiam, si id exprimat, & solum taceat dictam pensionem (si ea jure ac titulo beneficij Ecclesiastici constituta sit) esto, simoniæ obtineatur, exspectativa posterior seu secunda est obreptitia, & ipso jure irrita. Laym. ad c. ad audienciam. de rescript. num. 1. c. 3. acita etiam omnia alia, quæ occasione illius, sive propter illud acta sunt pro irritis haberi debent; ruit enim principali, ruit etiam accessoriis; Laym. ibid. num. 4. Idem ferè tradit Laym. ad c. in nostra. de rescript. num. 6. & 7. ubi, quod, si quis exspectativam consecutus sit, & vel eodem tempore sub eadem data, vel sub diversa aliam exspectativam ad aliam Ecclesiam impetrat, posterior exspectativa irrita erit, praterquam si constet, aut probari possit, priori renunciarum esse; cuius ratio est, quod taciturnitas illius prioris exspectativa est taciturnitas rei intrinsecè pertinentis ad rescriptum posterius; quia si Papa veritatem cognovisset, non dedisset, aut certò alio modo dedisset illas posteriores exspectativas; ac proinde, cum vel hic (nimis) rūsi duæ vel plures exspectativæ, aut similia rescri-